



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

MOPHATO 12

SETSWANA PUOTLALELETSO YA NTLHA (FAL)

PAMPIRI YA BOBEDI (P2)

TLHAKOLE/MOPITLWE 2011

MEMORANTAMO

MADUO: 70

Memorantamo o, o na le ditsebe di le 14.

KAEDI YA GO TSHWAYA

- Fa motlhatlhojwa a arabile dipotso tse di fetang palo, tshwaya fela karabo ya ntlha. **(Motlhatlhojwa ga a tshwanela go araba dipotso di le pedi mo pading, mo terameng le mo khutsweng.)**
- Mo KAROLONG YA D, fa motlhatlhojwa a arabile maboko otlhe a le mane, go tshwaiwe fela maboko a ntlha a mabedi.
- Fa motlhatlhojwa a neetse dikarabo tse di fetang selekano, go tshwaiwe fela palo ya dikarabo tse di kopilweng ka tatelano.
- Fa dinomoro tsa dikarabo di sa kwalwa sentle, memorantamo o tshwanetse go latelwa.
- Maduo a se ke a abiwa fa e le gore phoso ya mopeleto e fetola bokao jwa lefoko/lerero. Fa mopeleto o o fosagetseng o sa fetole bokao jwa lefoko/lerero, motlhatlhojwa a abelwe maduo.
- Potso ya Tlhamo: Motlhatlhojwa a se ke a tseelwa maduo fa mafoko a tlhamo e e kwadileng a le kwa tlase ga 250 – 300 ka palo ka gone maduo a motlhatlhojwa a setse a amegile. Fa tlhamo e feta palo ya mafoko a a solofetsweng, motshwai a buise mafoko a a kana ka 50 go feta boleele jo bo solofetsweng. **Karolo e e setseng e se tshwaiwe, fela bokhutlo bo tshwanetse go buisiwa le go tshwaiwa.**
- Dipotso tse dikhutshwane: Fa motlhatlhojwa a sa dirise ditsejwana mo nopolong, a se fokolediwe maduo.
- Dikarabo tse di batlang EE/NNYAYA kgotsa NTLHA/KAKANYO di tla abelwa ntlha e le nngwe mo go EE/NNYAYA kgotsa NTLHA/KAKANYO. Ntlha e nngwe e tla nna ya lebaka le le neilweng go tshegetsa karabo, mme moithuti o tla abelwa leduo fa **fela** lebaka le le neilweng le tsamaelana le EE/NNYAYA kgotsa NTLHA/KAKANYO.

KAROLO YA A: PADI**POTSO 1: *BOGOSI KUPE* – DP Semakaleng Monyaise**

- Kgolagano ya ga Obakeng le Modimoeng e simolola fa Obakeng a fetsa go reka mekodue ya dikgomo mme morago a e ananya le dikgomo tsa mmuso tse di nonneng.
 - Obakeng a gapa dikgomo tsa mmuso mme Modimoeng o mo thusa go di gapa.
 - Obakeng o simolola go kopana le Modimoeng mme ga a mmoife.
 - Obakeng le Modimoeng ba goga letlhaku gore ba timetse motlhala wa dikgomo tse Obakeng a di utswitseng.
 - Obakeng o bolelela Modimoeng mathata a gagwe le bana ba ga Tukisang.
 - Modimoeng o ruta Obakeng go lwa ke ka moo re utlwang a re "ngwanaka se itlwaetse go tshameka ka dilo tse di bogale".
 - Modimoeng o tsamaya le Obakeng ka mokoro o a o betlileng.
 - Fa Modimoeng a tsaya mogala o a neng a ipofile ka ona a o tloetsa mo go Obakeng, mme a mo kgatlha.
 - Modimoeng o naya Obakeng ditlhapi jaaka a ne a tshwerwe ke tlala.
 - Modimoeng o tshela ka Obakeng mo maruding gore metsi a se ke a tshaba ka bone.
 - Modimoeng le Obakeng ba dira gore bana ba ga Tukisang ba nyelele.
 - Obakeng, Motlhoiwa le Modimoeng ba thusa kgosi fa e thopiwa ke Serokolo le batho ba gagwe.
 - Obakeng le Modimoeng ba falositse mapodisi/Sajene Botipe.
 - Modimoeng o thusa Obakeng fa a tshwanetse go tshwarwa ke mapodisi.
 - Obakeng o kopanya Matlhodi le Modimoeng.
 - Modimoeng le Obakeng ba thusa Motlhoiwa mo baneng ba ga Tukisang.
 - Modimoeng o thusa Obakeng ka mo logageng fa a ne a sa kgone go tswa.
 - Barwa ba ga Tukisang ba golegwa e bile ba swela mo mogwaafatsheng.
 - Motlhoiwa o tsibosa Obakeng le Modimoeng gore mapodisi a gorogile.
- (Dikarabo tsa batlhatlhojwa di elwe tlhoko)

[35]**KGOTSA****POTSO 2: *BOGOSI KUPE* – DP Semakaleng Monyaise**

- 2.1 - Tshotlego le kutlobotlhoko e e lerweng ke mokgwa wa Setswana wa tseo. (2)
 - Bogosi jo bo lwelwang ke banna ba lekgotla/Bogosi kupe, bo a tsalelwa. (2)
- 2.2 Ke go pateletswa go nyalwa ke monna yo a sa mo rateng. (2)
- 2.3 Ee, gonne padi e, e tletse ditiragalo tsa mekgwa ya Setswana sa lekgorokgoro le ditumelo tsa sona. Setso sa re ngwana o tshwanetse go batlelwa mokapelo. (3)
- 2.4 Oshupile. (1)
- 2.5 Ba ne ba re ke lefetwa e bile mmaagwe ke moloi. (2)

- 2.6 - Ka ntlha ya gore o ne a leka go tlamela lelapa la gaabo.
- Ka ntlha ya gore o ne a batla go tswelala pele ka temo. (4)
- 2.7 O ne a robetse e bile a itshietse. (2)
- 2.8 Ee, gonne o ne a dumela go nyadisiwa monna yo a sa mo rateng.
Nnyaya, gonne o ne sa tlotle monna wa gagwe e bile a sa mo rate.
(Dikarabo tsa batlhatlhojwa di elwe tlhoko) (3)
- 2.9 Nnyaya, gonne pelo e rata se e se ithophetseng e seng se e se batletsweng.
Ee, gonne batsadi ba ka go batlela motho yo o tsalwang/tlhagang kwa losikeng le le tlotlegang.
(Dikarabo tsa batlhatlhojwa di elwe tlhoko) (3)
- 2.10 Ke ntlha. Matlhodi o ne a le moleele mo go Oshupile ka seemo. (2)
- 2.11 Modimoeng o ne a latlhela Sajene Botipe kwa lefaufaung mme morago a tlhoma ka tlhogo mo seretseng. (2)
- 2.12 Ee, bo ne bo le monate - Modimoeng le Matlhodi ba ne ba nyalana kwa bokhutlong. (3)
- 2.13 Pelo e ja serati sebatlelwa ga e se batle. Matlhodi o boa a kopana le Modimoeng. (2)
- 2.14 O senola maikutlo a poifo ya gore ga a itse gore letsatsi la ka moso le tla tlhaba le ntse jang/O tla bo a sa ntse a tshela kgotsa nnyaya. (2)

[35]

KGOTSA

POTSO 3: MORABARABA – SJ Lebethe

- Ntshimane o ratana le Morwesi fa Mpute ena a ratana le Bontle.
- Mpute o kopa Morwesi gore ba felegetse Bontle fa a boela sekolong.
- Mpute o bolelela Morwesi gore ba tla fitlhela Ntshimane mo beseng mme ga go nne jalo.
- Mpute, Morwesi le Bontle ba siiwa ke sepalangwa se se yang kwa sekolong.
- Mpute le Morwesi ba kopa marobalo kwa go mosadimogolo mongwe ba ipitsa banyalani.
- Ntsimane o dira moletlo mme Mpute o raela Morwesi gore ba se ke ba ya kwa moletlong.
- Mpute o tsamaya le Morwesi kwa Ga-Rankuwa.
- Morwesi o bua maaka mo batsading gore o tsamaya le Ntshimane, Morwesi o dira se ka ntlha ya Mpute.
- Mpute o imisa Morwesi.
- Morwesi o lemola mpa ya ga Mpute.
- Ntshimane o kgaogana le Morwesi ka ntlha ya ga Mpute, mme o iponela lekgarebe e leng Mmule.
- Fa Ntshimane a ile kwa Ntwane, Mpute o sala a bolelela Mmule maaka ka ga Ntshimane.

- Ntshimane fa a boa o fitlhela Mpute a ratana le Mmule.
 - Ntshimane o rata Bontle fela Bontle ga a dumele lerato la gagwe ka ntlha ya fa a rata Mpute.
 - Bontle o iphitlhela a tlhoka sepalangwa a le kwa Ga-Rankuwa mme o lopa Mpute go mo palamisa fa a boela gae.
 - Mpute o kgweetsa a itshietse mme Bontle le Mpute ba swa ka kotsi ya sejanaga ka ntlha ya boatla jwa ga Mpute.
- (Dikarabo tsa batlhatlhojwa di elwe tlhoko)

[35]**KGOTSA****POTSO 4: MORABARABA – SJ Lebethe**

- 4.1 Ke bakapelo/Ke baratani. (2)
- 4.2 - O ne a ratana le tsala ya ga Ntshimane e leng Mpute. (2)
 - O ne a tsamaya le Mpute kwa Ga-Rankuwa a sa bolelela Ntshimane. (2)
 (Dikarabo tsa batlhatlhojwa di elwe tlhoko)
- 4.3 Ke ka ntlha ya gore botshelo bo ne bo le makgwakgwa e bile o ne a sa ntse a rata Ntshimane. (2)
- 4.4 Nnyaya, gonne Morwesi o wisitse Ntshimane seriti/o mo tshegisitse ka batho. Ee, go botlhokwa fa e le gore Ntshimane o sa ntse a rata Morwesi. (2)
 (Dikarabo tsa batlhatlhojwa di elwe tlhoko)
- 4.5 O ne a sa itumela e bile go bontsha gore ga a tshepe Morwesi. (2)
- 4.6 Ba kopane mo beseng Ntshimane a le mo tseleng ya go ya Tshwane. (2)
- 4.7 Kgolo ya kgotlhang e tlhotlhelediwa ke fa Mpute a ratana le Mmule. (2)
- 4.8 4.8.1 Ntshimane – O botho – o itshwarela Morwesi morago ga dilo tsotlhe tse a mo di dirileng. (3)
 Ke tsala ya nnete – Le fa Mpute a mo kgopisa ka go mo tseela makgarebe ga a nne le sekgopi le ena. (3)
- 4.8.2 Morwesi – O matlhomantsi – O ratana le Mpute le Ntshimane ka nako e le nngwe. (3)
 O botho – o kgona go kopa maitshwarelo mo go Ntshimane morago ga go lemoga gore o dirile diphoso bonyaneng jwa gagwe. (3)
- 4.9 Mmangwanaagwe o ne a aga a ikgantsha ka ena mme a mo kopa go mo etela gore a tle a mmontshe bomogadiboagwe/E ne e le malatsi a boikhutso mme Ntshimane a bona go tshwanela gore a jele mmangwanaagwe nala. (2)
- 4.10 O ne a bona kotsi ya setimela a le mo loetong la go ya kwa Thekong. (2)
- 4.11 Ee, ke motshameko wa lerato o o tlisang kutlobotlhoko, magareng ga baratani. (3)
 (Dikarabo tsa batlhatlhojwa di elwe tlhoko)

[35]

KAROLO YA B: TERAMA**MOLATSWANA WA GAETSHO – DMG Sekeleko****POTSO 5: BO TLA SA JANG – C Modise**

- Kgomotso o tthalosetsa mmaagwe ka moo lenyalo le mo utlwisang botlhoko ka teng.
- Phofu o ratana le Selebaleng mme e bile ga a fitlhele Kgomotso ka ga se.
- Kgomotso o fitlhela Phofu a itisitse le Selebaleng mo ntlong ya bona mme o utlwa botlhoko.
- Phofu o kgoba Kgomotso ka mafoko fa pele ga Selebaleng. Sekao: O mmolelela fa a tswa go tsaya ditlhare kwa a tswang gona go tla go tshasa phaposi ya gagwe.
- Phofu o lotlela phaposi ya borobalo gore Kgomotso a tlhoke fa a ka robalang teng.
- Phofu o koba Kgomotso mo ntlong.
- Kgomotso o sala a le nosi fa Phofu a tsamaile le Selebaleng kwa dijong tsa maitsiboa.
- Kgomotso o tlhoka dijo le marobalo mo ntlong ya gagwe gonne Phofu a tsamaile ka dinotlolo tsa ntlo.
- Bagaabo Phofu ga ba eme Kgomotso nokeng ka mathata a a leng mo go ona.
- Kgomotso o boela gae a sa itumela mme rraagwe o a mo koba.
- Selebaleng o ima ngwana wa ga Phofu mme Kgomotso o a kgopisega gonne o bidiwa moopa.
- Phofu o tshepisa Selebaleng go ya dijong tsa maitsiboa, Selebaleng o ya go ipaakanyetsa leeto.
- Phofu o ya go tshela leokwane mo koloing.
- Phofu o pitikologa ka sejanaga mme o a tlhokafala.
- Lepodisi le tla go bega loso mme le fitlhela Kgomotso a ntse ka kutlobotlhoko gonne a lotleletswe kwa ntle.
- Kutlobotlhoko ya ga Kgomotso e a oketsega gonne monna yo a neng a mo rata o tlhokafetse.

(Dikarabo tsa batlhatlhojwa di elwe tlhoko)

[35]

KGOTSA**POTSO 6: MOSIMANE WA SANKATANE – DM Mothibi**

- 6.1 Sankatane. (1)
- 6.2 O ne a bolaya kgodumodumo e e neng e meditse batho le diruiwa tsa bona. (2)
- 6.3 Motlatla/Phokeng. (1)
- 6.4 Bogologolo. (1)
 - Go buiwa ka leina la motse/Batho ba ne ba ruile dihutsana. (2)
 - Go buiwa ka kgosi e e busang mo motseng/Morafe o na le tshimo ya mabele. (2)

(Dikarabo di le pedi fela)

- 6.5 - Morwesi le Sankatane ke batho mme ba nna mo khuting. (2)
 - Kgodumodumo e metsa batho botlhe le diruiwa tsa bona. (2)
 - Sankatane o kopana gape le rraagwe morago ga gore rraagwe a mediwe ke kgodumodumo. (2)
- 6.6 - Kgosi ga ya ba thusa fa kgodumodumo e ne e tlhasetse. (2)
 - Kgosi e ganne go tsaya dikgakololo tsa morafe. (2)
- 6.7 Nnyaya – Ga go na phologolo e e ka metsang diruiwa tsotlhe le batho botlhe mo motseng. (2)
- 6.8 - Maikutlo a boitumelo gonne o kgonne go bolaya phologolo e e feditseng batho.
 - Maikutlo a kgakgamalo gore Sankatane o monnye mme o kgona go bolaya phologolo e e tshabegang. (2)
 (Dikarabo tsa batlhatlhojwa di elwe tlhoko)
- 6.9 - Ke segatlamelamasisi/ Pelokgale – o kgonne go bolaya phologolo e e tshabegang a le nosi. (3)
 - O kutlwelobotlhoko – o ne a sa batle kgosi e sotliwa ke morafe. (3)
 (Dikarabo tsa batlhatlhojwa di elwe tlhoko)
- 6.10 Ee, gonne keletso ya gagwe e ne e le go kopana le rraagwe mme seo se ne sa diragala fa a se na go bolaya Kgodumodumo. (2)
- 6.11 Matlhotlhapelo – Kgodumodumo e jele batho le diruiwa tsa bona/Kgosi e folosiwa mo setulong sa bogosi mme gape e kobiwa mo motseng. (2)
- 6.12 Mosekaphofu ya gaabo ga a tshabe go swa lentswe/Sankatane o lwele le kgodumodumo go fitlhela a e bolaya mme kwa bokhutlong a kgona go kopana le rraagwe.
 (Dikarabo tsa batlhatlhojwa di elwe tlhoko) (2)
[35]

KGOTSA

POTSO 7: *KHUTSEPE* – EJ Sekati

- Ntlhake o rata go tsamaya bosigo mme ke motho yo o boi.
- Nako le nako monnamogolo yo, o rata go tshameka le ditlogolo tsa gagwe.
- Ntlhake o tshaba sepoko.
- Monnamogolo Ntlhake o rata go nota ditlogolo tsa gagwe fa di sentse.
- Ntlhake o na le lerato le kutlwelobotlhoko o gana Thipe a itaya Tshepo le Nakedi le fa ba mo foseditse.
- Ntlhake o tlhokomela Tshepo le Nakedi ga a ba ngalele gonne ba mo tshositse.
- Ntlhake o tseela Tshepo le Nakedi dikgang ka botshelo jwa mo lelapeng.
- Ntlhake ga a batle Tshepo le Nakedi ba mmitsa Khutsepe.
- Monnamogolo Ntlhake ke motho yo o ratang letlametlo thata.
- Ntlhake o itumeletse gore Tshepo o mo tletse letlametlo gonne a akanya gore ba le bolaile.

- Tshepo le Nakedi ba naya Ntlhake mpho ya baiki gone e le letsatsi la botsalo jwa gagwe.
- Ntlhake o itumelela mpho ya baiki.
- Ntlhake o kaya fa a le gaufi le go swa.
- Ntlhake o roma Tshepo le Nakedi gore ba ye go bitsa Thipe.
- Ntlhake o rata gore fa a swa a fitlhiwe mo morakeng wa gagwe.
- Ntlhake o godile mme ga a batle go tlogela moraka gore a boele gae.
(Dikarabo tsa batlhatlhojwa di elwe tlhoko)

[35]**KGOTSA****POTSO 8: BA TLA NKITSE – Ezra Sello Lekalakala**

- 8.1 Ke baratani. (2)
- 8.2 Kwa ga Boipelo. (2)
- 8.3 O ne a tlhokafaletswe ke monna. (2)
- 8.4 Ke ka ntlha ya gore ke motlhologadi mme o apola diaparo tse dintsho pele ga nako le kwa ntle ga kitso ya batsadi ba gagwe. (2)
- 8.5 Nnyaya, gone batho bangwe ba ila motho yo o apereng bontsho/Ke kgatelelo ya basadi.
Ee, bontsho bo dira gore mosadi a ikilele a bontshe tlotlo le lerato mo monneng wa gagwe.
(Dikarabo tsa batlhatlhojwa di elwe tlhoko) (2)
- 8.6 8.6.1 Boipelo – Ke mmolai – O loga leano la go bolaya Ramarumo le Motswedi. (3)
O matlhomantsi – O ratana le Motswedi a ntse a nyalane le Ramarumo. (3)
- 8.6.2 Ranko – O rata setso – O kgalemelela Boipelo go apola bontsho pele ga nako. (3)
O rata nnete – Fa Boipelo a dira diphoso ga a mo dikologe o o leka go mo gakolola ka yona nako eo.
(Dikarabo tsa batlhatlhojwa di elwe tlhoko) (3)
- 8.7 Boipelo o tla newa boswa botlhe fa fela a ka nna a sa nyalwa go isa lebitleng. (2)
- 8.8 O bolailwe ke bolwetse jwa pelo. (2)
- 8.9 - O ne a batla go ipona a nyalane le Motswedi. (2)
- O ne a batla go sala ka leruo la ga Ramarumo. (2)
- 8.10 O ne a tla ka leano la gore ba dire gore sejanaga sa ga Ramarumo se tlhoke maremo. (2)
- 8.11 Di le lesome. (1)
- 8.12 Ke ithutile gore motho fa a direla yo mongwe bosula o itsenya bomadimabe. (2)

[35]

KAROLO YA C: DIKGANGKHUTSHWE**NGATANA YA LEHUMO – KM Mbonani le ba bangwe****POTSO 9: LEINA LA NGWANA – PJ Mathibe**

- Ngwana fa a rewa leina o ne a newa leina la mongwe mo losikeng.
 - Yo o reilweng leina o tshwanetse go belega bana ba yo a reilweng ka ena.
 - Se, se ne se dira gore batho ba itsane bonolo.
 - Fa ngwana a ipega gore ena ke mang, ka bonako go ne go setse go itsiwe gore o tsalwa ke mang.
 - Fa ngwana a belegwa mme o sa itse maina a bana ba yo o mo reeletsweng, o ne o ya go mongwe wa losika go go naya leina la ngwana.
 - Ngwana ka nako nngwe o ne a newa maina a mabedi le lengwe e le la kwa gaabomogolo.
 - Se, se ne se direlwa go tla mathata a a ka tlang ka ntlha ya leina.
 - Gantsi fa ngwana a ne a sa newa leina sentle fa ba mo isa kwa go boreaitse o ne ka nako nngwe a re nkoko wa ngwana yoo o a belaela.
 - Ngwana o ne a tshwanetse go newa leina le lengwe go dira gore a tshele botshelo jo bo botoka.
 - Bana bangwe ba nna le maina a mantsi gonne fa a begiwa, mosadimogolo kgotsa monnamogolo mongwe yo o utlwang dikgang o tla bo a re ngwana yo a bidiwe ka leina la gagwe.
 - Fa o naya bana maina a ba ba reeletsweng ka bona, o tshwanetse go simolola ka gofejane.
 - Fa motho a nna le bana ba bantsi go gaisa yo a reeletsweng ka ena, o tshwanetse go ithophela maina a ba a ba ratang mo losikeng go tlatša maina a bana ba gagwe.
 - Fa motho a fetelwa ke bana, ngwana yo o tlang o tla bidiwa ka leina la sengwe le sengwe, bana ba ba jalo ga ba reelelwe ope.
- (Dikarabo tsa batlhatlhojwa di elwe tlhoko)

[35]**KGOTSA****POTSO 10: MOGATSAKA O TLA NKGOPOLA – BM Ditlhokwe**

- | | | |
|------|--|-----|
| 10.1 | Tatlhego. | (1) |
| 10.2 | Mmadira. | (1) |
| 10.3 | ESKOM. | (1) |
| 10.4 | - O ne a robala digoba. | (2) |
| | - O nwa bojalwa kwa dithafeneng. | (2) |
| | - O ratana le Ditshebo. | (2) |
| 10.5 | - Mothusi o batlela Tatlhego tiro. | (2) |
| | - Tatlhego o kopa maitshwarelo mo go Mmadira. | (2) |
| | - Tatlhego le Mmadira ba tshegofadiwa ka ngwana. | (2) |

- 10.6 - Lelapa le ne la thubega. (2)
- Mmadira o boetse kwa gaabo. (2)
- 10.7 - Mmatotlhanyo. (1)
- Bafedile. (1)
- 10.8 Ditshebo o ratana le Tatlhego/Ditshebo ke lekgarebe la ga Tatlhego. (2)
- 10.9 - A ka tlhola ntwā/dipolaano magareng ga bakapelo ba gagwe. (2)
- A ka tsenwa ke malwetse a thobalano. (2)
(Dikarabo tsa batlhatlhojwa di elwe tlhoko)
- 10.10 Ditshebo o ne a kgaogana le Tatlhego/Ditshebo o tsere madi otlhe a ga Tatlhego kwa bankeng a bo a kgaogana le ene. (2)
- 10.11 Maitsholo a a botlhaswa a ka senyetsa motho bokamoso jo bontle. (2)
- 10.12 Ee, o ne a thusa Tatlhego go batla tiro fa a ne a bolawa ke tlala. (2)
- 10.13 Lerato la nnete. (2)
- [35]**

PALOGOTLHE YA KAROLO YA C: 35

KAROLO YA D: POKO**POTSO 11: Lentswe la moledi – LD Raditladi**

- 11.1 Ke fa kgosi e sa kgone go mo femela. (2)
- 11.2 Tlhatlagano. (2)
- 11.3 Batho ba a lwa ga ba tlotlane. (2)
- 11.4 Go gatelela bokao jwa se a se buang. (2)
- 11.5 Makau. (1)
- 11.6 Go tlhoka tshireletsego/Batho ba tlhoka motho yo o ka ba femelang/Go sa tsholwe ka go lekana. (2)
- 11.7 Tshwantshiso. (2)
- 11.8 Magareng. Le na le matshwao a puo/le kgaogantswe ka ditemana/Puo ya lona e bofitlha.
(Dikarabo tsa batlhatlhojwa di elwe tlhoko) (2½)
- 11.9 Boeteledipele/Bokgoba/Tlhaolele. (2)
- [17½]**

KGOTSA**POTSO 12: Botsalo jwa ga morena Jesu – BD Magoleng**

- 12.1 Morena Jesu. (1)
- 12.2 Go tewa gore motho a utlwe botlhoko jo bo tseneletseng. (2)
- 12.3 Pheteletso. (2)
- 12.4 Ke fa batho ba gana go ba letla go dirisa matlo a bona ka nako ya pelego. (2)
- 12.5 Batho ba ba ikgonang ba na le sengwe le sengwe. (2)
- 12.6 Ee, gonne ka dinako dingwe batho ga ba ikanyege.
Nnyaya, gonne o tla feleletsa o sa thusa batho ba ba tlhokang thuso/gonne ka tsatsi lengwe le wena o tla tlhoka thuso. (2)
- 12.7 Re ithute go obamela Morena Jesu gore re bone kgololosego. (2)
- 12.8 Poeletsomodumo ya ditumammogo. (2)
- 12.9 "Go Mong wa rona botlhe legodimong" (2)
- 12.10 Leboko la magareng. (½)
- [17½]**

KGOTSA

POTSO 13: Fatshe la Batswana – LD Raditladi

- 13.1 Tlhatlhagano. (2)
- 13.2 Ke fa mafoko a a tshwanang kgotsa a a tshwanang ka bokao, le lengwe le le fa godimo ga le lengwe mo meleng e e latelanang. (2)
- 13.3 O raya gore lefatshe la Batswana le iketlile le kgomo ga e gangwa ga e ragakanye maoto. (2)
- 13.4 a,a,b,b. (2)
- 13.5 Tshwantshanyo. (2)
- 13.6 – E le lefatshe la kgora. (2)
– E le lefatshe la kagiso. (2)
- 13.7 E ne e le go supa/bontsha kgatelelo. (2)
- 13.8 Segompieno, le na le morumo o o rulagantsweng.
(Dikarabo tsa batlhatlhojwa di elwe tlhoko) (1½)
[17½]

KGOTSA**POTSO 14: Molaetsa – SF Motlhake**

- 14.1 Balemi. (2)
- 14.2 Go nna le tirisanommogo. (2)
- 14.3 Ditiro re ke re di dire mmogo. (1)
- 14.4 Poeletsomodumo ya tumammogo "g"/tumanosi "e" (2)
- 14.5 Mekgwa ya bagolo o tla e bona mo baneng ba bona. (2)
- 14.6 Neeletsano. (2)
- 14.7 Gore re le bagolo re ratane re dirisane mmogo e bile re itshware sentle gore bana ba itseele mo go rona. (2)
- 14.8 a,a,a,b,b,c. (2)
- 14.9 O kaya gore batho ba se tshwarane ka dipelo. (2)
- 14.10 Segompieno. (½)
[17½]

PALOGOTLHE YA KAROLO YA D: 35
PALOGOTLHE: 70

PUOTLALELETSO YA NTLHA: RUBORIKI YA GO TSHWAYA POTSO YA TLHAMO YA PADI, TERAMA LE KHUTSHWE.
Ela tlhoko pharologano ya maduo a a abetsweng diteng kgatlhanong le popego le puo.

DIKHOUTU LE KABELO YA MADUO.		DITENG [25] Thanolo ya setlhogo, boteng jwa ngangisano, netefatso le go tlhaloganya sekwalo.		POPEGO LE PUO [10] Popego, tatelano ya dintlha le tlhagiso. Puo, segalo le setaele se se dirisiwang mo ditlhamong.
Khoutu 7 80% – 100%	Phitlhelelo ya dinaledi 20 – 25 maduo	-Boteng jwa thanolo ya setlhogo, dintlha tsotlhe di tlotlhomisitswe. -Thwadi ya dikarabo: 90% + phitlhelelo ka dinaledi. -Motseletsele wa ngangisano e e maleba e ikaegile ka sekwalo/setlhogo. -Ditlhangwa le sekwalo se se tlhalogantsweng ka phitlhelelo e e gaisang thata.	Phitlhelelo ya dinaledi 8 – 10	-Popego e e nyalelanang. -Matseno le bokhutlo jwa maemo a a kwa godimo. -Ngangisano e e bopegileng sentle tota, puo, segalo le setaele se se tlotlhegileng mme se nepagetse.
Khoutu 6 70 – 79%	Phitlhelelo ya matsetseleko 17½ – 19½ maduo	-Matsetseleko a thanolo ya setlhogo. Dintlha tsotlhe di tlotlhomisiwe. -Dikarabo ka botlalo. -Tatelano ya ngangisano e e utlwagalang e filwe. E tshegeditswe go tswa mo ditlhangweng. -Go tlhaloganya ditlhangwa sentle.	Phitlhelelo ya matsetseleko 7 – 7½	-Tlhamo e e bopegileng sentle. -Matseno a a itumedisang le bokhutlo. -Ngangisano le mola wa kakanyo o o bonolo go ka latelwa. -Puo, segalo le setaele se se nepagetseng. -Tlhagiso e ntle tota.
Khoutu 5 60 – 69%	Phitlhelelo e e tletseng 15 – 17 maduo	-Dikarabo dingwe di tsamaelana le setlhogo mme ngangisano/kganetso ga e maleba. -O paletswe ke go araba dipotso. -Dintlha dingwe ga di na bopaki go bontsha fa di tsamaelana le setlhogo. -Bokoa thata mo ditlhangweng.	Phitlhelelo e e tletseng 6 – 6½	-Popego e e siameng le ngangisano e e welang. -Matseno le bokhutlo le ditemana tse di nyalelanang sentle. -Kwelano ya ngangisano e ka latelwa. -Puo, segalo le setaele se se napagetseng mo go rileng.

Khoutu 4 50 – 59%	Phitlhelelo e e itumedisang 12½ – 14½ maduo	-Thanolo ya setlhogo e e mo magareng ga e tlhotlhomise dintlha tsotlhe. -Go na le dintlha tse di tshegetsang setlhogo. -Dingangisano di a tshegetswa mme bopaki ga bo a tota.	Phitlhelelo e e itumedisang 5 – 5½	-Bosupi jwa polelo bo a bonagala. -Tlhamo e tlhaela tatelano ya dintlha. -Diphoso tsa puo ga di dintsi. -Segalo le setaele di a tsamaisana. -Ditemana di batlile di siama.
Khoutu 3 40 – 49%	Phitlhelelo ya tekano 10 – 12 maduo	-Maiteko fela a go araba dipotso. -Maiteko a go araba dipotso a a kwa tlasenyana. -Dikarabo tsa setlhogo tse di sa tsepamang. -Kganetso e e sa totang ya bosiamisi. -Moithuti ga a ise a tlhologanye setlhangwa sentle.	Phitlhelelo ya tekano 4 – 4½	-Popego e na le diphoso. -Ga go tatelano ya dintlha. -Diphoso tsa puo di a bonala. -Segalo le setaele ga di tsamaelane le maikaelelo a se se kwadilweng.
Khoutu 2 30 – 39%	Phitlhelelo e e potlana 7½ – 9½ maduo	-Bokoa jwa go tlhologanya setlhogo. -Poeletso ya dikarabo nako nngwe go latlhegelwa ke karabo. - Ga go na kganetsano e e tseneletseng fa thanolo e e fosagetseng e sa tshegetswe. - Setlhangwa se se bokoa e le tota.	Phitlhelelo e e potlana 3 – 3½	-Paakanyo e e bokoa. -Dintlha ga di latelane. -Diphoso tsa puo le setaele go supa kwalo e e bokoa. -Segalo le setaele ga di tsamaelane le setlhangwa se se kwadilweng.
Khoutu 1 0 – 29%	Ga a fitlhelela 0 – 7 maduo	-Dikarabo dingwe di tsamaelana le setlhogo mme ngangisano/kgametso ga e maleba. - O paletswe ke go araba dipotso. - Dintlha dingwe ga di na bopaki go bontsha fa di tsamaelana le setlhogo. - Bokoa thata mo ditlhangweng.	Ga a fitlhelela 0 – 2½	-Setlhogo ga se tsamaisane le diteng. -Ga go bopaki ba letlhomiso le tatelano ya dintlha. -Puo e e bokoa. -Setaele le puo e e fosagetseng.

ELA TLHOKO: Fa motlhatlhojwa a sa kwala diteng tse di maleba gotlhelele, mme a kwadile tlhamo ya boitlhamedi, tshwanetse go abelwa maduo a a kana ka 0 mo Ditennyeng, Puo le Kagego.